

御選宋詩卷第七十三目錄

七言絕句十

劉克莊三十一首

宋伯仁十三首

李曾伯五首

姚勉十五首

王同祖九首

朱繼芳七首

鄒登龍一首

趙崇錡六首

羅與之四首

御選宋詩

卷七十三 目錄

俞觀復二首

林尚仁七首

俞桂十三首

薛嵎四首

黃大受二首

吳龍翰十六首


武衍九首

張蘊三首

趙希櫛六首

何應龍十二首

吳惟信七首



087308

黃文雷一首

葛起耕四首

胡仲參五首

陳鑒之二首

陳允平九首

樂雷發三首

張至龍七首

毛珮五首

徐集孫四首

王琮二首

何基二首

御選宋詩

卷五

目錄

王栻二首

張端義一首

王洧二首

曾極五首

楊修五首

御選宋詩卷第七十三

七言絕句十

劉克莊

豫章溝

溝水泠泠草樹香，獨穿支逕入垂楊。
薺花滿地無人見，唯有山蜂度短牆。

館頭

兩雪蕭蕭驛堠長，不堪流潦入車箱。
撫州城外黃泥路，即是人間小太行。

湘潭道中即事

敗絮龍鍾擁病身，十分寒事在湘濱。
若非野店拈官曆，

御選宋詩

卷七十三

劉克莊

不記今朝是立春

儺鼓藜藜匝廟門，可憐楚俗至今存。
屈原章句無人誦，別有山歌侑桂尊。

深溪驛

苔掩朱扉半闔開，更無人迹獨徘徊。
湘江臨別如相語，早買扁舟出嶺來。

出城二絕

日日銅瓶插數枝，瓶空頗訝折來稀。
出城忽見櫻桃熟，始信無花可買歸。

小憩城西賣酒家，綠陰深處有啼鴉。
主人歎息官來晚，謝了醪醕一架花。

湘中口占

船頭吹火盧仝婢馬後肩書穎士奴安得世間名畫手
寫余出嶺泛湘圖

見方雲臺題辭

寄書迢遞夢參差每見留題慰所思不論驛亭僧寺裏
有山水處有君詩

秋風

黃葉蕭蕭忽滿街偶騎瘦馬豫章臺莫將宋玉心中事
吹向潘郎鬢畔來

南平驛

心隨流水還鄉國身向青山上屈盤遠夢不成秋雨細

御選宋詩

卷七三 劉克莊

二

西風一夜客亭寒

秋懷

輕雲不動日微陰高樹無風秋色深獨聽暮蟬臨水坐
十年林壑阻歸心

中書秋日懷青社舊遊

掖垣秋色生雞樹忽憶青丘感舊情曾倚西樓吟暮雨
數峰寒碧遶高城

芙蓉二絕

湖上秋風起棹歌萬株映柳更依荷老來不作繁華夢
一樹池邊已覺多

池上秋開一兩叢未妨冷澹伴詩翁而今縱有看花意

不愛深紅愛淺紅

同鄭君瑞出瀨溪即事

鐵馬防秋記昔曾
晚途消縮似寒蠅
同時校尉俱封拜
誰伴將軍獵霸陵

病後訪梅

與梅交絕幾星霜
瞥見南枝喜欲狂
便欲佩壺攜鐵笛
爲花痛飲百千場

田舍即事

去年贏粟尚儲瓶
又見新秧蘸水清
野老逢人說慙媿
長官清白社公靈

和仲弟二絕

御選宋詩

卷十三

劉克莊

三

一春簷溜不曾停
滴破空堦蘚暈青
便是兒時對牀雨
絕憐老大不同聽
雁回杳杳渾無報
鵲語啾啾似有憑
忽得遠書看百過
眼昏自起剔殘燈

東坡故居二首

錄一首

嘉祐寺荒誰與葺
合江樓是復疑非
已爲韓子騎驎去
不見蘇仙化鶴歸

豐湖三首

岷峨一老古來少
杭穎二湖天下無
帝恐先生晚牢落
南遷猶得管豐湖

小米侍郎生較晚
龍眠居士遠難呼
不知若箇丹青手

能寫微瀾玉塔圖
作橋聊結衆生緣不計全家落瘴煙內翰翻身脫犀帶
黃門勸婦助金錢

羅湖三首

平生不作賈胡留怪底江邊未發舟瀧吏不須前白事
更忙定要看羅浮
中州無地堪投足垂老攜家泛瘴江不愛朱丹畫車轂
且貪紫翠入船窗
異境微茫在半霄仙人垂手下相招老來尚有君親戀
未敢相陪過鐵橋

扶胥二首

御選宋詩

卷五

劉克莊

四

一陣東風掃暄靈天容海色豁然開何須更網珊瑚樹
祇讀韓碑也合來

前祭京師捧祝詞尊嚴不比百神祠臺家今歲籌邊急
黃帕封香已過時

三月二十一日泛舟

少游欸段何從借伯厚雞樓未易求看取後村翁簡徑
百錢聊稅一漁舟

雖沈璧馬計安施倏忽桑田變渺瀰說與神通君看取
潮頭不到艮山祠

宋伯仁

寓目

晝景逢春漸漸長
博山添蕪半匙香
梅花一片嬌無力
自趁晴風過粉牆

訪高菊礪

可惜吳中不見君
短篷空載一溪雲
知君已到孤山下
日日梅花酒半醺

紙鷓

弄假如真舞碧空
吹噓全在一絲風
惟慙尺五天將近
猶在兒童掌握中

秋花

鳳兒花雜雁來紅
更有雞冠弄紫氈
可笑倚闌人醉後
只將青眼看芙蓉

御選宋詩

卷七

宋伯仁

五

村居

又是江南割稻天
家家兒女笑相牽
芙蓉占斷清溪水
獨許漁人醉艤船

晚春

綠陰陰裏惜韶華
自縛筠梢掃落花
可笑遊人心未嬾
杜鵑啼處撥琵琶

夏日

泓泓圓碧漾新荷
獵獵斜風顫綠莎
農事正忙三月後
野田齊唱插秧歌

數點沙鷗掠野塘
雨聲初歇水微茫
橋邊十里荷花蕩
輸與漁人卧晚涼

夜坐

栢香煙裏淪山茶窮似燒丹道士家窗紙暫明寒月上
一肱清夢入梅花

兀坐

坐對清清一穗香悄無人語日偏長硯盤數點梅花片
暗引遊蜂度粉牆

晚涼

兩兩蟬聲送夕陽竹陰移綠上藤牀黃昏急雨無多子
喜得今宵夢亦涼

羊角埂晚行

葛裙蒲履帽烏紗迤邐乘涼到水涯數寺晚鐘聲未歇

御選宋詩

卷三

宋伯仁

李曾伯

六

滿身明月看荷花

瓶梅

南枝斜插古軍持瘦影參差落硯池莫道人家窗戶暖
等閒忘却隴頭時

李曾伯

舟過雲川

一簇樓臺鎖翠煙雨疎溪澗晚秋天西風吹老芙蓉院
兩兩鷗鳧傍水眠

宜興山房

薄靄垂垂欲暮時漸生霜氣著征衣山深不見牛羊下
唯有樵人荷擔歸

四壁寒蛩作苦吟喚回旅夢約三更不知身在禪房宿
誤聽松風作雨聲

定花阻風

夜色昏昏帶遠煙誰家燈火待歸船少時月上風須息
且伴白鷗今夕眠

衡陽道間

滿林松竹翠交加路過衡陽得幾家門傍粉牆人寂寂
一陂春水數株花

姚勉

書步江村

碧空一片水雲飛竹裏人家午唱雞江路雨晴芳草潤

御選宋詩

卷七十三 李曾伯

姚勉

七

杖藜行遍水東西

題梅谷詩藁

不與春風落世間萬山明月雪漫漫谷中更有人如玉
招隱不來清夢寒

雪中雪坡十憶

近水新栽一崦梅而今雪裏想齊開只愁夜後花幽獨
誰與歸筇踏雪來

此君應是舊平安瘦節森然最耐寒萬葉瓊瑤光照眼
夢披鶴氅倚闌干

礫砢擎雲十丈松冰髯不剪照瓏鬆曉窗明眼前前雪
猶似巡簷看玉龍

對牀風雨飽曾聽聽雪敲窗更自清舊日擁爐聯句樂而今欹枕打蓬聲

近郊勝處小雲居一水如龍湊佛廬長記釣蓑披雪去磚爐溫酒煮溪魚

倚空銀管立嗟峨看雪須登窳堵坡一覽瓊田三萬頃分明掌上見山河

冰襟玉抱幾交遊儘自風流勝子猷有興可乘應不盡定無門外便回舟

萬箇琅玕遶舍清風聲相和讀書聲蛛絲近日應侵几孤負虛窗照月明

帳窳銷金舊党家未知清處在煎茶便應歸去燒松葉

御選宋詩

卷三

姚勉

八

細碾旗槍煮雪花

欲折梅花寄故人驛無來使草成茵輕風細雨分寒暖已是江南數日春

再題小西湖和張琦韻

閣前自倚竹扶疎梅似逋仙柳似蘇待向山椒結茅屋更添偉觀占江湖

深深晴日漲湖煙開著篷窗飽看蓮只怕客來童放鶴又催花裏掉歸船

木犀

絲絲朝雨溼窗紗薄日疎雲弄靈華可是都城秋事早新涼更有木犀花

王同祖

湖上

長安三月又三日繡轂狝鞍富貴家笙鼓喧天蘭棹穩
賣花聲裏夕陽斜

偶出城來日未西百花叢底草萋萋遊人過盡歸來晚
行遍蘇公十里堤

夜步內門

靜夜孤燈人未眠等閒行過內門前一聲唱徹連珠喏
皇城夜間
唱連珠喏碧月朱欄綠柳邊

晚秋登樓

獨上危樓望落暉昏鴉歸處遠煙微湖光洗得秋容淨

御選宋詩

卷五

王同祖

九

爭柰江南雁又飛

春日雜興

迢迢清夜靜無譁月色千門噪亂鴉坐久忽驚寒力重
不知殘雪在梅花

粉牆紅杏半離披春滿人間花自知幽鳥不言如有思
等閒飛上海棠枝

輕寒漠漠雨霏霏春院人間半掩扉風力不知多幾許
出門只見杏花飛

秋閨

西風昨夜到庭梧曉看窗前一葉無秋月照人眠不得
等閒拈弄繡工夫

滿目淒涼只自知閒將心事寄琴徽無情梁上雙雙燕
帶取秋光一半歸

朱繼芳

朱門

紅雨聲乾未作泥繡成十里綠楊堤金杯緩勸玲瓏唱
玉勒催歸驛裏嘶

朱門往事若爲懷積雨苔痕綠上堦幾處敗甌吟蟋蟀
玉人曾此溜金釵

客路

一曲長歌行路難昏鴉歸盡倚闌干不知楚水巴山地
更有高樓鳥外看

御選宋詩

卷七十五

王同祖

朱繼芳

十

山居

宿雨初乾一杖藜欲呼漁艇訪前溪碧桃花落無尋處
惆悵人間日又西

橋西

雲澹風微日未低瘦藤扶到小橋西林花過兩相爭發
谷鳥無人自在啼

辛亥二月望祭齋宮因遊甘園

老眼看花興未厭不知頭上雨廉纖流鶯浪語春風恨
誰拗花枝插帽簷

公事相妨一半春今朝纔得自由身眼中領略能多少
細雨斜風便妬人

鄒登龍

梅花

約避金寒拓綺疏搔頭玉重壓香酥含章簷下新妝額
試啟菱花得似無

趙崇錡

有贈

別意參差遶碧闌外頭斜月逼人寒鈎簾恐礙雙棲鵲
乍可桃花隔霧看

江上

清露初生紅蓼秋爽風先到木蘭舟釣絲不捲波痕穩
夢入蘆花數白鷗

御選宋詩

卷七十一

鄒登龍

趙崇錡

十一

仙思

水殿風清急景斜靈君初下五雲車碧羅寶扇雙題字
記是誰人詠落花

壁間韻

雨又入簾風又斜東風吹客客思家浣紗西去誰家子
青綃圍裙插杏花

山月溪風雨自由紫蘭綠桂等離憂狂歌鬱鬱成何事
一片夕陽蘆荻秋

海棠開盡故清寒漠漠梨花暮色間酒滿綠樽愁滿酒
醉憑枕障認巫山

羅與之

山行

煙草萋迷露未晞一筇伴我立晴暉
丹楓雖老猶多態散作漫山野蝶飛

盡日流連興未闌寒鴉背負夕陽還
遙知今夜空窗夢只在江南水石間

爲言

日薄寒濃春意微花鬚柳眼尚依稀
爲言羯鼓休頻打催得先開即早飛

倦倚

蟬聲燕語細相和池雨纔浮點點荷
倦倚闌干消永日葡萄陰薄柳風多

御選宋詩

卷五

羅與之

余觀復

林尚仁

十三

余觀復

次韻

榴簇殷紅竹迸青風驚簷玉一時鳴
晚來幽趣無人解流水聲中看月行

步繞

步繞蒼苔自詠詩吟情惟有澗泉知
山猿忽地來偷果攀斷庭前烏桕枝

林尚仁

贈歌者

聲逐嬌雲學鳳鳴王孫幾醉拍欄聽
春深莫唱關情曲多少行人過柳亭

適越留別

江亭飲罷起離愁何事西風又越游潮信欲來人欲去
夕陽紅蓼滿汀洲

寓舍留別

撥盡寒灰雨後深半窗燈影伴孤吟不眠只有琴知得
明日陽關何處心

簡許有實

閒磨霜刃破銀瓜沉水香銷日影斜吟客不來情思懶
曉風庭院落槐花

閒裏

閒裏身心得自如春風茅屋燕同居松花滿地溪雲滑

御選宋詩

卷十三

林尚仁

俞桂

十三

一榻晴窗卧看書

送陸月湖歸玉峰

行李無多半是詩買船兼載鶴同歸思君晚泊吳江冷
風捲蘆花幾雁飛

夜坐

焚香獨坐勘騷經庭樹無風葉不鳴靜入夜深聞鼓吹
一池明月亂蛙聲

俞桂

雨吟

輕輕煙霧失樓臺雨暗吳山鎖不開試與漁翁閒訪問
落花幾許泛溪來

松江

荷葉翻風暑氣微
看山露冷溼征衣
垂虹夜靜三高月
只照漁溪一舸歸

雜興

漫山花發草萋萋
楊柳飛綿水拍堤
况是客懷禁不得
那堪杜宇耳邊啼

卽事

陰雲釀雨勒花遲
梅已飄殘到杏枝
好是池塘清夢處
勾吟春草入新詩

虎丘

突兀浮圖插翠微
吳王事迹總成非
寺僧未晚山門閉
御選宋詩

卷十三

俞桂

十四

不放閒雲一片飛

湖上閒步

一番雨過一番春
芒屨閒行踏軟塵
城裏不知春色早
湖邊楊柳已撩人

春歸

青青結子在梅梢
方見春來夏已交
認得主人雙燕子
香泥啣去理新巢

晴天氣淑濃如酒
引得狂蜂路亦迷
獨立欄干凝望處
賣花人在畫橋西

江頭

魚浦山邊白鷺飛
西興渡口夕陽微
等閒更上層樓望

會看江潮不肯歸

印事

吹落楊花春事了小池新綠雨添痕浴蠶時節寒猶在
村落人家半掩門

江上

小雨纔收日漸斜酒旗插處兩三家江頭裝點秋來景
半是蘆花半蓼花

秋日

芙蓉未拆桂香浮落日西風雁過樓一雨空階深夜滴
十分秋是十分愁

雨後

御選宋詩

卷五

俞桂

薛喈

五

雨後新晴日轉西桑間猶有拙鳩啼十分愁意無人管
紅蓼黃蘆水滿溪

薛喈

和雁來紅

若將羣卉分高下此種無因到畫欄寒蝶不知紅是葉
飛來猶作野花看

漁村雜句

盡醉茅柴得自由蘆花蜚雪滿人頭蓑衣碎葉重重補
聽雨吟風卒未休
野水微茫路欲迷重重沙渚自高低鷺鷥飛過無心泊
直入斜陽樹杪棲

獨宿山中

誅茅無地結菴遲借得人家近翠微何事樹禽驚不起
也應知我久忘機

黃大受

早作

星光欲沒曉光連霞暈紅浮一角天乾盡小園花上露
日痕恰恰到窗前

呈魯齋提刑伯

散盡黃金與客休田園不爲子孫謀白頭更自嫌多累
尚有瀟湘萬卷樓

吳龍翰

御選宋詩

卷三

薛焄

黃大受

吳龍翰

六

曉發姑孰城

鶉啼驚夢敲春枕花落迎風打曉窗攜杖攬先出城去
角聲吹月隔寒江

晚舟過臨平

烟鐘春起夕陽愁森森臨平春事幽惟有風蒲愛吟客
岸邊繚亂縮行舟

晚春留淮上

淮山歷歷春雲澹淮水湯湯夜月輝此處杜鶉啼不到
江南行客未成歸

辛酉秋吳畫士寫神

功名自有兜鍪輩榮辱寧干蓑笠翁煩作田園秋興畫

短簷斜日稻花風

京城寓居春日

春城庭院柳風輕
簾影玲瓏受曉晴
紅日半窗吟夢覺
咿啞牆外賣花聲

金陵寓樓居

樓中有酒客身閒
約住孤雲共往還
搖落碧桃春欲去
倚闌無語看鍾山

春日吳中

照人芳樹遲遲日
吹面垂楊拂拂風
客思一筇攜不盡
鳥聲多在落花中

冬夜山中

御選宋詩

卷十三 吳龍翰

十七

寒入鴈聲霜滿地
香沉梅影月當崖
獨鶴歸來童亦睡
微風簸簸落松釵

春日松陰小憩

瘦筇扶我過林端
無狀東風掠鬢寒
貪數青山不知去
松花吹滿石棋盤

有所嗟

乘鸞人去玉簫寒
雲斂巫山曉夢殘
柳線不堪繫離別
自和煙雨搭闌干

春山曉望

模糊數疊屋前山
翠色欺凌詩鬢寒
啼鳥一聲泥滑滑
晚鐘春雨過林端

春日書所見

寒雲漠漠暮天低，社鼓聲中日欲西。
隔岸垂楊遮酒店，風帘移影照寒溪。

春郊即事

登臨故故檢春工，小立蒼苔數落紅。
院宇人歸春寂寂，秋千閒在月明中。

春晚野步

尋花籬下蝶牽引，酌酒林間鳥勸酬。
山色不隨春態老，笛聲自起夕陽愁。

久客買舟西還

萬里煙波興渺然，愁心繫在灞橋邊。
歸裝詩少不成載，御選宋詩

卷三

吳龍翰 武衍

六

自折梅花湊滿船

水邊早梅

數花黯澹帶寒煙，泄漏春光短屋邊。
爲被清池寫疎影，一枝分作兩枝妍。

武衍

鶯

柳外風來恰弄聲，瞥然流去一梭輕。
分明啼斷春愁處，風不驚花午院晴。

宮詞補遺

梨花風動玉蘭香，春色沈沈鎖建章。
惟有落紅官不禁，儘教飛舞出宮牆。

霜梧

栖鳳枝頭數葉輕
井邊籬落正關情
晚來縱有西風過
一片秋聲作不成

長橋月夕

卷來滄海黃銀浪
飛出層雲白玉闌
千古垂虹奇絕處
獨凭三百赤闌干

榴花

蹙蹙生紅露
滴珠薰風涼
幌曉妝初折
來戴朶頻拈看
應訝羅裙色不如

贈茗上隱者

夾溪槐柳綠雲堆
轍跡何嘗到碧苔
不種桃花緣底事

御選宋詩

卷七十一
武衍

九

恐因流水誤人來

雙鷺

誰驚雙鷺起蘋汀
楚裂玻璃細有聲
飛入白雲渾不辨
碧山橫處忽分明

書吳江塔院水月

疊疊滄波隔亂山
白鷗飛去復飛還
吟邊好思無多子
祇在孤舟落照間

春曉山行馬上口占

山深竹暗曉風輕
幾樣幽禽錯雜鳴
駐馬細聽渾不識
就中惟識秭歸聲

張蘊

鵲

月樹爭枝影共寒
楂楂飛過屋頭山
五陵年少多春悶
一彈千金落等閒

秋思

暑退涼生體氣佳
卷簾聽雨感年華
西風葉葉梧桐冷
開盡庭前白鶴花

維揚即事

牛斗星邊禹貢州
東南屏蔽大江流
向來明月珠簾夢
不信秋風夜柝愁

趙希樞

過臨平

御選宋詩

卷七

張蘊

趙希樞

二

市井蕭條景物非
居人猶號永和隄
春山十里斜陽樹
漠漠殘紅杜宇啼

吳道士釣雲

淡溪溪上一竿絲
牽動閒雲片片飛
折盡柳條穿不得
荷衣裏向碧山歸

次雪林李龔茗溪寄來之韻

雲散煙收渺渺秋
蛩聲四壁起新愁
西風萬里乾坤眼
不到斜陽十二樓

風梧聲裏萬家秋
一片吟心不著愁
夜半酒醒銀燭冷
月移涼夢過西樓

秋夕

西風梳髮冷颼颼半醉微吟獨倚樓一片舊時南浦月
清光猶印別離愁

半枕小窗幽夢蝶數聲何處寄書鴻關山千里人歸晚
腸斷煙林一笛風

何應龍

春寒

博山熏盡鷓鴣斑羅帶同心不忍看莫近闌干聽花雨
樓高無處著春寒

清曉

清曉輕傳一信風花添紅粉草添青畫樓十二闌干曲
春在疎簾第幾重

御選宋詩

卷之三

趙希樞 何應龍

三

過垂虹

垂虹橋下水連天一帶青山落照邊三十六陂煙浦冷
鷺鷥飛上釣魚船

木犀

露粟藏金一半開層層碧玉映樓臺西風昨夜吹香過
人在闌干待月來

夏日即事

野土生煙遠樹焦彤彤日脚火雲燒池邊自拗青荷葉
分付山童蓋藥苗

有別

樓上佳人唱渭城樓前楊柳識離情一聲未是難聽處

最是難聽第四聲

為客

初秋為客暮秋歸一擔輕裝半是詩試問客情何處惡
五更孤店酒醒時

東風

和徹詩篇得暫閑落梅香裏立闌干新裁白紵春衫薄
猶怯東風一陣寒

居家

居家到底勝居官啼鳥聲中晝掩關待得小園花落盡
更須移酒對青山

江上有感

御選宋詩

卷七十三

何應龍

吳惟信

三

江上秋深客未歸荻花楓葉兩依依傷心最是長橋路
落日西風一雁飛

清明

踏歌槌鼓近清明小雨霏霏欲弄晴喚起十年心上事
春風樓下賣花聲

杜鵑

君若思歸可便歸故鄉祇在錦江西不知何事留君住
却向空山日夜啼

吳惟信

蘇隄清明即事

梨花風起正清明遊子尋春半出城日暮笙歌收拾去

萬株楊柳屬流鶯

曉吟

翠帳香消捲碧紗
風梢殘雨溼欄牙
蜻蜓亦被涼勾引
清曉低飛入水花

春詠

草堂燕子未歸時
香鼎灰飛入硯池
看徹唐人詩一卷
夕陽猶在杏花枝

野望

閒與蘆花立水邊
歸心客思兩茫然
夕陽收盡天風急
一樹寒鴉落野田

仙興

御選宋詩

卷三

吳惟信 黃文雷

三

宮殿高高在五雲
鶴搖松露滴行人
洞門不放東風過
留得桃花一院春

閨怨

病起傷春獨倚門
喚人鸚鵡隔簾聞
無情最是東風惡
瘦却梨花一片雲

傷春

白髮傷春又一年
閒將心事卜金錢
梨花瘦盡東風嬾
商略平生到杜鵑

黃文雷

金陵即事

王謝風流自一時
長干古巷記烏衣
尋常百姓幾番換

那有當年燕子飛

葛起耕

次子泉韻

一聲鶗鴂又春休
風簸榆錢滿地流
燕子不知花落盡
等閒飛過柳邊樓

樓上

樓上何人奏玉簫
數聲和月伴春宵
斷腸喚起江南夢
愁絕寒梅酒半銷

莫春雜興

畫欄目斷楚雲西
芳草連天客思迷
家在江南煙雨裏
落花時節杜鵑啼

御選宋詩

卷五

葛起耕

胡仲參

五

燕子聲中日正長
讀殘書卷亂堆牀
夢回却愛西窗寂
閒看松花帶夕陽

胡仲參

晚雨

勃姑鷗舅叫樓西
春色陰晴景不齊
濃墨四垂收不起
明邊一片夕陽低

遊白石山觀音寺

綠陰深處石橋橫
纔入山門意便清
林下一僧無箇事
時來倚樹聽泉聲

過界首

幾重嶺隔幾重灣
路入濛濛煙雨間
獨立溪橋重回首

前頭已是劔州山

和伯氏春雨中韻

兩堤楊柳拂新亭怪底遊人懶踏青手撚梨花成小立
半窗湖水雨冥冥

聽雨

聽盡燈前細雨聲聲總是別離情何時斷得閒煩惱
一任芭蕉滴到明

陳鑒之

題鄭承事所作蕙蘭

託跡不辭巖谷深異於蕭艾亦何心清風披拂自多事
斜日淡雲香滿林

御選宋詩

卷十三

胡仲參

陳鑒之

陳允平

三五

秋晚

瘦盡芙蓉菊又殘客遊懷抱更登山秋光老矣歸何處
只在愁人雙鬢間

陳允平

即事

重重簾幙燕翩翩塵鎖朱樓十二絃榆火漸催寒食節
海棠花畔縛秋千

春詞

楊柳春風三月三畫橋芳草碧纖纖一雙燕子歸來後
十二紅樓卷繡簾

觀猿

掛石攀雲日半斜
亂山深處飽煙霞
香林月滿僧歸去
啼落春風幾樹花

有感

軟紅塵裏度韶華
楊柳橋邊舊酒家
燕子不歸春漸老
東風開盡刺桐花

春歸

寂寞梨花院落閒
遠山愁入兩眉彎
黃金絡索珊瑚墜
獨立春風教白鵬

倚樓

金虬薰盡鷓鴣斑
獨上層樓倚畫欄
滿院梨花香寂寞
隔簾風雨正春寒

御選宋詩

卷三

陳允平

三六

閨情

閒拈花片貼紗窗
繡幕斜飛燕子雙
細數歸期相次近
倚樓日日望春江

梨花

流鶯偷入未央宮
望斷昭陽信不通
寂寞雨聲寒食夜
一枝香淚泣東風

春曉

曉風獵獵捲芭蕉
簾幙深深燕子巢
十二畫欄都倚徧
一雙蝴蝶上花梢

樂雷發

醉中偶成

醉敲茶白嘯秋煙苦欠高陽買酒錢擬入亂山飡栢葉
石牀閑對麝香眠

新淦偶成

飛飛綠鳳掛梅梢猶記來時雪擁袍今日歸舟新淦路
街頭穉子賣櫻桃

題王堯章佇香亭

滿池蜀錦照深衣盡日憑欄課楚詞要識此花香絕處
露涼風細雨晴時

張至龍

宿靈巖

樹杪鐘樓出半層佛前黠鼠弄殘燈五更石上僧猶定
御選宋詩

卷三

樂雷發

張至龍

三

頭滿清霜喚不磨

馬升庵惠菊苗

稅得隣東地一方旋栽黃菊待重陽春晨摘落青苗葉
掇作秋花氣味長

宿易冲妙道院

松髮經寒亂不梳夜來風減屋茅踈吟邊凍指僵如鐵
袖裏枯筇畫雪書

餞翁丹山發南浦

鳴鳩語燕近清明柳絮風輕秧水平一帶春流多斷岸
盡緣倒柳當橋行

子期臺

拾葉題詩媿不才袖遮微日上層臺
山僧分我松陰坐
隔岸花香渡水來

擬韓偓體

一聲烏鵲顫鸞雙學調新詞未得腔
拜了夜香郎喚醒
旋收鍼綫背銀釭

晚牕

風約鐘聲落耳根歸鴉點點不成羣
前山野燒青煙起
散滿空林作暮雲

毛珣

海陵

繞城無數菜花黃
隔岸蒹葭接大荒
不分塞鴻偏得意

御選宋詩

卷十三

張至龍

毛珣

年年春老未還鄉

三

海陵之堡城

四面蒹葭水接天
中間一片是人煙
相逢盡喜干戈息
白鷺飛來立戰船

邊聲籍籍早秋風
稻未黃時棗又紅
莫厭水鄉遷避苦
全家載入綠荷中

晚涼

牕前灑地著胡牀
浴罷閒來坐晚涼
更取壁燈移暗處
待他月上竹邊牆

滄浪亭

濯纓人去水空寒
事屬明時欲問難
日暮客歸園館閉

鷺鷥飛上石碁盤

子美故物
惟石枰存

徐集孫

水樂洞

路穿巖竇折羊腸處處亭臺御墨香
流水不隨人事去尚餘絲竹舊宮商

湖上

不分雨色共晴光每攬吟魂夢
草塘數日不來湖上看西風次第水蒼茫

為瘦巖僧題西山爽氣

背却斜陽翠欲流一窗長占四時秋
逼人風露衣巾脆拄笏朝來獨倚樓

御選宋詩

卷三

毛翊徐集孫王琮

无

渡湖

漠漠西湖匝野煙夕陽柳下買歸船
關心一紙平安報雁字縱橫寫碧天

王琮

客中從厚祿故人乞米

范甑欲塵貧亦甚陶腰未折計何如
小窗獨對蕭蕭雨臨得唐人乞米書

立春有懷

十千呼酒醉長安猶計年時客
裏歡有約南山南畔去只挑野菜當春盤

何基

春日閒居

輕陰薄薄籠朝曦
小雨斑斑濕燕泥
春草堦前隨意綠
曉鶯花裏盡情啼

春曉郊行

邨煙淡淡日沉沉
西岸柳陰陰
水拍堤江上晚
風吹樹急
落紅滿地鷓鴣啼

王柏

題山橋二首

北山之北兩山齊
一徑蜿蜒石作梯
脚力倦時山始好
芙蓉東畔赤松西

石磴斜溪下水隈
玉虹鎖雪挂崔嵬
雖然只是泉三疊

御選宋詩

卷十一

何基 王柏 張端義 王洧

三

滂湃聲搖萬壑雷

張端義

秋江圖

浪靜風平月正中
自搖柔櫓駕孤篷
若無三萬六千頃
把甚江湖著此翁

王洧

西湖十景 錄二首

蘇堤春曉

孤山落月趁疎鐘
畫舫參差柳岸風
鶯夢初醒人未起
金鴉飛上五雲東

麴院風荷

避暑人歸自冷泉
埤頭雲錦晚涼天
愛渠香陣隨人遠
行過高橋方買船

曾極

金陵百詠

錄四首

西浦

珠璫錯落江皋佩
羅襪輕盈洛浦妝
欲採蘋花擲春信
停橈難覓杜蘭香

桃葉渡

裙腰芳草抱長堤
南浦年年怨別離
水送橫波山斂翠
一如桃葉渡江時

謝公像

御選宋詩

卷三

王浦曾極楊修

三

失喜向來因折屐
含悲今日爲聞箏
人間悲喜何時了
攜妓東山載酒行

鳳州柳

蜀主函封遣使時
芳根元自鳳州移
柔萋醞醱今安在
惟有青絲拂地垂

絕句

霧帳桃笙晝寢餘
此君那可一朝無
秋來冷落同班扇
歲晚溫柔是錫奴

山谷以竹夫人爲竹奴
余因名脚婆爲錫奴

楊修

齊雲觀

上界笙歌下界聞
縷金羅袖鬱金裙
倚闌紅粉如花面

不見巫山空暮雲

桃葉渡

桃葉桃根柳岸頭獻之才調頗風流相看不語橫波急
艇子翻成送莫愁

白楊路

殘枝敗葉幾霑春莫問栽培迹已陳細雨斜風恨無力
蕭蕭滿路更愁人

白都山

駕鶴驂鸞自古聞策名仙籍是真君天邊舊迹無尋處
滿目青山空白雲

春澗

御選宋詩

卷十三

楊修

三

手拖葛屨坐藜牀竹樹蕭然一水傍枕上白雲船上月
卜鄰東澗勝東岡

御選宋詩卷第七十三

御選宋詩卷第七十四目錄

七言絕句十一

錢選四首

何夢桂一首

劉應鳳一首

劉鑑三首

邵桂子二首

孫銳三首

熊銖二首

陳觀二首

牟獻二首

御選宋詩

卷七十四

目錄

真桂芳二首

黃超然一首

趙若櫬三首

陳巖二首

蔣捷一首

劉辰翁一首

吳大有一首

王奕一首

吳錫疇九首

文天祥十三首

謝枋得四首

許月卿一首

王夢應一首

曾淵子一首

林景熙十首

王英孫一首

謝翱四首

汪元量三首

趙孟堅一首

鄭思肖二十二首

龔開一首

周密一首

御選宋詩

卷十四

目錄

鄭協一首

謝鑰一首

王奇一首

楊蟠二首

趙士掞一首

趙鯤之一首

凌巖四首

范協一首

元吉一首

汪涯一首

鮑軌二首

王鑑八首

趙善璫一首

俞琰三首

陳普六首

蘇壽元一首

呂人龍一首

黃希旦一首

葛長庚十七首

遇賢一首

契嵩二首

道潛十二首

御選宋詩

卷五

目錄

清順一首

仲殊二首

重喜一首

可遵一首

維琳一首

曇秀一首

重顯一首

靚一首

智覺一首

法具一首

惠洪十一首

如璧四首

祖可一首

懷深一首

斯植八首

永頤六首

顯忠一首

惟一一首

清豁一首

止翁一首

志南一首

法成一首

御選宋詩

卷十四

目錄

有規一首

必萬一首

懷志一首

朋一首

道濟一首

晞顏一首

蜀僧一首

御選宋詩卷第七十四

七言絕句十一

錢選

題山水卷

江南北苑出奇才千里溪山筆底回
不管六朝興廢事一尊且向畫圖開

烟雲出沒有無間半在空虛半在山
我亦閒中消日月幽林深處聽潺湲

題秋江待渡圖

山色空濛翠欲流長江清澈一天秋
茅茨落日寒煙外久立行人待渡舟

御選宋詩

卷五

錢選

何夢桂

劉應鳳

雪霽望弁山圖

子猷安道何爲者自是忘機意最真
千載寥寥風雪夜始知乘興更無人

何夢桂

贈雲菴董道人

一塢寒雲暝不開茅簷低壓半蒼苔
近來雲出不成雨莫遣無心出岫來

劉應鳳

聞文文山北行

喚得嵐鄉昨夢回東風萬里上金臺
出關曾解娑娑否枝北枝南一種梅

劉鑑

書燈

玉樓夜費燭熒熒祇得眼前歌舞明照破三千年外事
書生原不用長檠

謁蕭小山二絕

一冬晴暖春相似欲叩吟關未有詩折得梅花裝擔了
起程還是雪飛時

一水凝寒棹不開幾人於此欲船回思君却有扁舟興
半夜直衝風雪來

卻桂子

雜詠

御選宋詩

卷十四

劉鑑

卻桂子

孫銳

二

兼旬梅雨喜初晴山院青苔滿地生老眼尚能看細字
竹陰踈處紙窗明

落紅如雨點蒼苔小院柴門傍竹開一枕尋春夢初覺
柳花風暖燕初來

孫銳

石湖別墅

山水遙通西渡頭亂山零落樹還稠先生唱罷村田樂
戴月披蓁理釣舟

荻塘柳影

日出煙消春晝遲柳條無力萬絲垂韶光新染鷺黃色
偏愛東風款款吹

平湖秋月

月浸寒泉疑不流
棹歌何處泛歸舟
白蘋紅蓼西風裏
一色湖光萬頃秋

熊鈺

江邊客舍

輕寒無賴入征裘
野水閒雲總是愁
極目遠山橫靄外
數聲鳴櫓過蘋洲

詠盆梅

一聲羌笛晚風斜
再問花期便覺賒
茵幌泥沙可隨分
莫將春意滯殘花

陳觀

御選宋詩

卷七十四

孫銳

熊鈺

陳觀

牟巖

三

題甄氏訪山亭

水流花落石生雲
日靜風喧草欲薰
老去風流猶未減
一丘一壑要平分
雨後西山翡翠堆
結亭直欲近巖隈
從今記取溪頭路
一日須來一百迴

牟巖

四安道中所見

人向長安渡口歸
長安不見但雲霏
只應白鷺曾相識
船到前頭更不飛
姑溪小隊帶薰風
笳鼓歡迎鶴髮翁
三十九年成一夢
幾多陳迹淚痕中

真桂芳

三月晦日

九十春光能有幾東風遽作遠行人樽前莫惜今朝醉
明日鶯聲不是春

晚步

未暝先啼草際蛩石橋暗度晚花風歸鴉不帶殘陽老
留得林梢一抹紅

黃超然

秋夜

秋近園林風露涼蟲聲無數出頽牆前朝舊事過如夢
不抵清秋一夜長

御選宋詩

卷十四

真筌 黃超然 趙若樞

四

趙若樞

暮春

香透蜂房蝶夢殘一簾新雨又春闌柳腰瘦得難禁舞
今夜東風莫更寒

即事

可意黃鸝喚得醒日移山影正當庭飛花忽趁東風過
點破苔痕一片青

春詞

玉釵香夢水東流簾怯春寒倚暮鈎燕子不來花滿地
一痕新月又西樓

陳巖

延華觀

五百年前岸谷移
卽卽枕上夢回時
兔葵燕麥元都觀
好繼劉郎舊日詩

碧桃巖

自要貪閒非避秦
洞門隔斷世間塵
山中不置四時曆
開到碧桃知是春

蔣捷

東坡田

老去紅灰酒甕前
向來青草瘴江邊
卜居自爲溪山好
不是區區爲買田

劉辰翁

御選宋詩

卷五

陳巖 蔣捷 劉辰翁 吳大有 王奕

五

春晴

新燕池塘綠雨肥
初晴水暖日光微
角巾猶帶花梢濕
纔倚闌干見絮飛

吳大有

錢陳隨隱歸鄉

雁聲低度水村深
中有人敲月下砧
滿屋秋風燈欲暗
江山千里故園心

王奕

絕句呈周月湖

草帶粘天只辨星
燧樓盡化作郵亭
柳橋梅驛多來使
只寄山中養鶴經

吳錫疇

蘭

石畔稜稜翠葉長
歲蕤紫葢吐幽芳
靈均去後無人問
林密山深只自香

漁父

簑笠儘自了生涯
岸尾沙頭即是家
入夜醉歸橫短笛
滿江明月浸蘆花

荷葭塢呈秋崖方工部

怕驚啼鳥推棋罷
爲愛落花迂履行
窈窕綠雲春一塢
遊絲飛絮弄新晴

楊花

御選宋詩

卷七

吳錫疇

六

爲見春風不久歸
顛狂上下弄晴暉
只饒天與無拘束
入幕穿簾任意飛

山中雜言

小小柴門傍竹開
幽深不慣有人來
頗嫌老鶴無情思
啄損庭前一徑苔

數家雞犬小成村
一帶岡巒近入門
怕有漁人來問訊
溪流那得截雲根

偶成

釀密山蜂初割戶
銜泥梁燕已成家
春愁漠漠連芳草
閒過東園數落花

冬日

日薄霜清水見沙水邊偶到野人家滿階楓葉渾慵掃
爲愛深紅似落花

夕陽孤倚立溪頭三兩漁舟溯碧流驚起一行新宿雁
斜飛又過別汀洲

文天祥

贈鑑湖相士

瘦竹凌風弄碧漪山光雲影共熹微月黃昏裏疎枝外
認取半天孤鶴飛

送趙王賓

風流不比賀家狂瀟灑黃冠意更長自有武夷溪九曲
鑑湖何必問君王

御選宋詩

卷五

吳錫嘯

文天祥

七

八月十六日見梅

廣寒殿裏玉樓開那得孤山處士來半夜西風半身影
夢中騎得雪驢回

所懷

英英香穗瑩朝華收拾東風作一家燕語鶯啼春又夏
燈花別盡暗窗斜

禪關

秋風吹日上禪關路入松花第一灣只願四時煙霧少
滿城樓閣見青山

雲端

半空天矯起層臺傳道劉安車馬來山上自晴山下雨

倚闌平立看風雷

真州雜賦

便把長江作界河負舟半夜泝煙波明朝方覺田文去
追騎如雲可柰何

旅懷

昨夜分明夢到家飄飄依舊客天涯故園門掩東風老
無限杜鵑啼落花

過雪橋琉璃橋

小橋度雪度琉璃更有清霜滑馬蹄遊子衣裳如鐵冷
殘星荒店野雞啼

宮籍監

御選宋詩

卷五

文天祥

八

兵馬司移寓宮籍監一室頗瀟灑明窗淨壁樹影
斜橫可愛也

塵滿南冠歲月深暫移一室倚梅林天憐原是青山客
分與窗根兩樹陰
曾過盧溝望塔尖今朝塔影接虛簷道人心事真方丈
靜坐日長雲滿簾

重陽

飄零萬里若爲家一夜西風吹鬢華祇有新詩題甲子
更無故舊對黃花
江南秋色滿梧桐回首青山萬事空怕見鏡中新白髮
長將破帽裹西風

謝枋得

送程楚翁遠遊

近日人傳庾嶺梅南枝盡落北枝開
長安舊日元無此
盡是江南人送來

花影

重重疊疊上瑤臺幾度呼童掃不開
剛被太陽收拾去
又教明月送將來

題慶全庵

尋得桃源好避秦
桃紅又見一年春
花飛莫遣隨流水
恐有漁郎來問津

桑柘村

御選宋詩

卷十五

謝枋得

許月卿

王夢應

九

子規啼徹四更時
起視蠶多怕葉稀
不信樓頭楊柳月
玉人歌舞未曾歸

許月卿

槐影

槐影本來惟戴日
蟬聲固自未知秋
斜陽薄雨羊歸徑
冷月橫星人倚樓

王夢應

呈李書史

火龍騎日雪飛空
勁草亭亭不見風
臣亮南陽今未老
一鋤雲碎日猶紅

曾淵子

客安南見進奉使回口占

安南莫道是天涯
歲歲人從薊北回
江北江南親故滿
三年不寄一書來

林景熙

吳中會故人

一聲新雁荻花秋
片月吳淞共客舟
却憶去年今夜月
思君獨上越山樓

別方槐庭山人

夜闌深語別寒釭
別意蕭蕭竹半窗
明日孤帆鴻影外
東風殘雪過曹江

陶山十詠和鄧牧

心陶山在越州南以陶貞白嘗隱於此故名錄一首

御選宋詩

卷七古

曾淵子

林景熙

十

若耶溪

晴峰無數蘸清流
窈窕寒生六月秋
百鍊不須歐冶劍
沿吳人在采蓮舟

集仙橋

流來一水截人寰
虹背秋寒十二闌
白鶴飛邊人影絕
天風吹珮玉珊珊

館娃宮

苧蘿山女入宮新
四壁黃金一笑春
步輦醉歸香徑月
隔江還有卧薪人

舟次吳興

釣舟遠隔菰蒲雨
酒幔輕飄菡萏風
彷彿層城鼇背上

萬家簾幙水精宮

夢回

夢回荒館月籠秋何處砧聲喚客愁深夜無風蓮葉響
水寒更有未眠鷗

送春

蜀魄聲聲訴綠陰誰家門巷落花深遊絲不繫春暉住
愁絕天涯寸草心

聞蟬二首

翼綃微動自宮商幾曳殘聲送夕陽喚得槐柯芳夢覺
薰風一曲換西涼

近交紙薄雲翻手舊夢冠空雪滿顛却憶畫船曾聽處

御選宋詩

卷上

林景熙

王英孫

謝翱

十一

夕陽高柳斷橋邊

王英孫

題高彥敬夜山圖

等閒吳越在毫端疊巘微茫月影寒一曲危欄人獨倚
江山渾在夢中看

謝翱

過杭州故宮二首

禾黍何人爲守闈落花臺殿暗銷魂朝元閣下歸來燕
不見前頭鸚鵡言

紫雲樓閣讌流霞今日淒涼佛子家殘照下山花霧散
萬年枝上挂袈裟

蠟梅

冷豔清香受雪知
雨中誰把蠟爲衣
蜜房做就花枝色
留得寒蜂宿不歸

山中道士

山中道士服朝霞
二十修行別故家
留客一杯清苦蜜
蜂房知是近梅花

汪元量

蜀道

蜀道難行高接天
秦關勒馬望西川
峨眉翠嶺知何處
劔閣崔巍若箇邊

萬州

御選宋詩

卷五

謝翱

汪元量

趙孟堅

鄭思肖

十一

槎牙鳥道沒人煙
狼虎交橫馬不前
四面青山藏白跖
萬州城下草連天

隆慶府

雁山突兀插青天
劔閣西來接劔泉
如此江山快人意
滿船載酒下潼川

趙孟堅

題墨蘭圖

六月衡湘暑氣蒸
幽香一噴水人清
曾將移入浙西種
一歲纔華一兩莖

鄭思肖

訪隱者

石竇雲封隱者家一溪流水遶門斜滿山落葉無行路
樹上寒猿剥蘚花

春日登城

城頭啼鳥隔花鳴城外遊人傍水行遙認孤帆何處去
柳塘煙重不分明

懷友

今日樽前忽憶君爲憐秋事又平分坐來凝睇西風久
過盡天邊數片雲

春日遊承天寺

野梅香軟雨新晴來此閒聽笑語聲不管少年人老去
春風歲歲闔閭城

御選宋詩

卷七十四 鄭思肖

十三

贈老王道人

曾宴瑤池王母家瞳方髯黑臉凝霞休將甲子來相問
知見蟠桃幾度花

書蘭亭帖後

千載流芳禊事餘鼠鬚筆法重璠璣晉人多喜清虛話
不及蘭亭一紙書

湖上漫賦二首

蘚厓蒼潤雨初乾石罅飛泉噴雪寒啼斷禽聲山更靜
青松影下倚闌干

一望湖光鏡面平暮鴉過盡斷霞輕狂來飛上高峰頂
趺坐松柯叫月生

仙興

跣足蓬頭炯碧瞳
劃然長嘯響天風
千巖萬壑無人迹
獨自飛行明月中

即事

旅館曾聽月下猿
至今觸事即愁端
北風昨夜無情甚
又作冬來一信寒

春日偶成

曉來怕上最高樓
春盡時光只似秋
草木荒寒生意澀
風腥雨膩一天愁

己卯十一月朔又夢食梅花夢中作

鴈宇高高免國斜
溼光飛露沁流霞
狂來清興不可遏

御選宋詩

卷十四 鄭思肖

十四

嚼盡寒梅一樹花

題蘭

玉珮清風挽不回
暮雲長合楚王臺
青春好在幽花裏
招得香從筆硯來

甯戚飯牛圖

斯人豈是飯牛者
浩歎空懷扣角悲
說到漫漫長夜處
南山白石也攢眉

秦女吹簫圖

弄玉飄飄仙女姿
鳳凰低舞久相期
簫中應有別一曲
飛出青天影外吹

王羲之蘭亭圖

猶記蘭亭三月三流觴曲水暢清酣分明一段永和意
好向羲之筆外參

陶淵明對菊圖

彭澤歸來老歲華東籬儘可了生涯誰知秋意凋零後
最耐風霜有此花

孟浩然歸隱圖

明主憐才若賜官奔馳做祿負家山狂吟一首笑歸去
滿路秋光上醉顏

陸龜蒙茶竈筆牀圖

笠澤往來無定期煮茶垂釣醉吟詩一船清致終難盡
不是散人應不知

御選宋詩

卷十四

鄭思肖

龔開

十五

公孫大娘舞劍圖

纖手生風攪畫寒好花翻影豔清歡試看不犯鋒銚處
舞碎晴空雪一團

張志和漁父圖

茗雪春深花滿谿一鈎翻動碧琉璃蓑衣箬笠儘有意
不到斜風細雨知

逋仙探梅圖

雪壓咸平處士家凍雲鎖暝若相遮欲知天上春消息
只覓南枝第一花

龔開

羸馬圖

一從雲霧降天關空盡先朝十二閑今日有誰憐駿骨
夕陽沙岸影如山

周密

戲詠凌風閣下沉香山

舊事淒涼尚可尋斷碑閒卧草深深凌風閣下槎牙樹
當日人疑是水沉

鄭協

溪橋晚興

寂寞亭基野渡邊春流平岸草芊芊一川晚照人間立
滿袖楊花聽杜鵑

謝鏞

御選宋詩

卷七古

龔開 周密 鄭協 謝鏞 王奇 楊蟠

十六

玩月有感

入夜茶甌苦上睂眼花推落石牀碁舉頭却恨天邊月
顛倒山河作樹枝

王奇

詠鴈

隻隻啣蘆背曉霜盡隨鴛鴦立寒塘曉來漁棹驚飛去
書破遙天字一行

楊蟠

題醉眠亭

江花可醉草堪眠細想人間底處便客散樽空欲歸去
此身還被月留連

清簾踈簾一醉身寂寥不稱詠詩人春風亦有憐才意
故擺殘花作繡茵

趙士掞

登天清閣

夕陽低盡已西紅百尺樓高萬里風白髮年年何處得
只應多在倚欄中

趙夔之

春日

拂牀倚枕晝初長好夢驚回燕語忙深竹有花人不見
直應風轉得幽香

凌巖

御選宋詩

卷十四

楊瞻

趙士掞

趙夔之

凌巖

七

細林山

四峰孤聳鬱蒼蒼新構僧廬傍野塘林下雨晴春晝曉
松花薰得白雲香

薛山

五峰遙隔水村西薛老曾來隱翠微牧子唱歌樵子笛
貪看明月夜忘歸

橫雲山

七峰峭翠擁層巒偃蓋孤松石上蟠行雨白龍何處去
暮雲深鎖洞門寒

千山

八峰蔥蒨石林幽給事題詩記勝遊昨夜僧歸鐘鼓靜

一聲鶴唳海天秋

范協

年年

年年如燕一還家又訪幽居過水涯風雨滿城春欲暮
山中猶有碧桃花

元吉

夜坐

森森夜氣落寒欄閒把離騷酒正酣忽憶梅花不成語
夢中風雨在江南

汪涯

江行

御選宋詩

卷七

凌巖

范協

元吉

汪涯

鮑軌

王鑑

七

秋光蕩漾滿行色鄰舟吹笛不堪聞洞庭濯足一樽酒
夫君不來空白雲

鮑軌

重到錢塘

聞道春深雪打圍誰憐身上藕絲衣莫憂白壁成塵土
解逐南風萬里歸

惟有寒濤不世情朝朝暮暮過空城百年車馬闐門外
獨獨春風草又生

王鑑

裁衣曲

燒罷心香午夜闌玉纖輕捻剪刀寒衣成恐不如郎意

獨試燈前照影看

春酌

酒闌歌罷翠簾遮
月柳驚啼子夜鴉
多少斷雲心上事
結成香夢是梨花

西湖

南北高峰叫杜鵑
斜陽浮翠斷橋邊
畫船歸盡江湖夢
一半樓臺揚柳煙

深春

夾泥花上燕巢邊
翠箔桑空蠶又眠
天氣乍晴風候別
坐看盆藕出雙錢

喜涼

御選尺詩

卷三四 王鑑

九

吹笛何人在小樓
夜深不下玉簾鉤
涼風敲落梧桐葉
片片飛來盡是秋

水居

飛鷗貼水水連天
一半青山半是煙
日暮潮迴漁父醉
不知船閣淺沙邊

斷橋春望

拾翠車閑輦路塵
山南山北杜鵑春
誰家庭院東風裏
吹出桃花不見人

湖上晚望

酒醒湖光生嫩涼
卧船吹笛藕花香
遊人盡逐鶯花老
一片閑情在夕陽

趙善璫

南康縣圃賞梨花呈長官

霜雨肌膚冰雪魂
春風庭院月黃昏
兒曹不解迎翁意
無雨無風也閉門

俞琰

客裏送春

擠排落絮隨風去
分付殘花趁雨飛
自笑鶴身歸未得
却從客裏送春歸

池亭夜坐

池上孤螢去復回
月明白露溼蒼苔
素絃彈盡淒涼曲
颯颯微風度竹來

御選宋詩

卷十四

趙善璫

俞琰

陳普

三

贈華陽道院琴士商碧山

來往晴嵐縹緲中
滿身空翠溼衣濃
相尋欲聽蓬萊曲
還在華陽第幾峰

陳普

自哂

曾騎白鶴上揚州
頭上花枝秉燭遊
樽酒邇來誰是伴
白雲收盡數峰秋

鬪雞走馬醉高陽
今日歸來兩鬢霜
無限少年心上事
半簾豆雨語寒螿

世事悠悠酒幾杯
晴窗把鏡獨徘徊
西風吹老梧桐樹
仍送新霜兩鬢來

寬博麻衣折角巾疎慵不似少年身白雲半枕山中午
猶夢乘槎去問津

四皓

長樂卮前露雪着巖花亂笑出山時有人拍手瓜田裏
來往青門總不知

朱文公

九野寒威閉六陰一天風月伴瑤琴鼓樓巖下入如玉
說與漁郎仔細尋

蘇壽元

贈風鑑

空有奇胸貯石渠功名不許老頭顱憑君細閱寒窗下

御選宋詩

卷七古

陳普 蘇壽元 呂人龍 黃希旦

三

還有他年房杜無

呂人龍

春歸

過却清明豔冶天梨花飛雪柳森煙欲憑鶯燕留春住
無柰東風信杜鵑

黃希旦

幔亭

曾孫嘗會幔亭中脯擘麒麟酒滿鍾宴罷不知消息處
至今鄉老望孤峰

葛長庚

仙居樓

萬籟沉沉清夜闌樓前獨自倚欄干金雞叫罷松風動
三十六天秋月寒

曉巡北圃

蜂蝶如知春欲歸雨餘鶯亦縷金衣東風盡把楊花剪
吹作滿城輕雪飛

江亭夜坐

月冷松寒露滿襟天容紺碧鶴聲沉夜深獨把欄干拍
只有長江識此心

題棲鳳亭

聲傳琴瑟風生枕影瀉琅玕月滿庭白鳳飛來枝外宿
夜深點破一林青

御選宋詩

卷十四 葛長庚

孤螢

五

夜靜乘涼坐水亭草頭隱映見孤螢瞥然飛過銀塘面
俯仰浮光幾點星

中秋月

錢塘江上雪飛花人在天邊泛海槎烏鵲一聲星斗落
姮娥梳洗去誰家

題潘察院竹園壁

夜雨洗開千翡翠春風撼碎萬琅玕滿林鴉鵲卧明月
鐵笛一聲煙正寒

九曲雜詠

流水光中飛落葉白雲影裏噪山禽人間幾度曾孫老

只有青山無古今

一曲昇真洞

得得來尋仙子家昇真洞口正蜂衙一溪春水漾寒碧
流出紅桃幾片花

二曲玉女峰

插花臨水一奇峰玉骨瓊肌處女同煙袂霞衣春帶雨
雲鬢霧鬕曉梳風

三曲仙機巖

織就霓裳御冷風玉梳隨手化成龍天孫歸去星河畔
滿洞白雲機杼封

四曲金雞巖

御選宋詩
卷十四
篇長庚
水滿寒潭渾著月山藏空谷正吞煙金雞初報洞中曉
呶啞一聲飛上天

五曲鐵笛亭

滿天沆瀣起清風白鶴飛來上翠松月冷山空吹鐵笛
一聲喚起玉淵龍

六曲仙掌峰

仙子捫蘿上翠崖巖頭舊有鍊丹臺至今石上留仙掌
十指春葱倩綠苔

七曲石塘寺

高僧參透趙州禪拔寺移歸兜率天天聖二年二月朔
一宵雷雨撼山川

八曲鼓樓巖

萬丈高崖聳石樓雲暈煙浦瞰寒流幔亭昔聚曾孫宴
石鼓拏歸古渡頭

九曲新村市

落日移舟上碧灘桃花林外見青山耳邊忽爾聞雞犬
不遇劉郎不肯還

遇賢

偶題

門前綠樹無啼鳥庭下蒼苔有落花聊與東風論箇事
十分春色屬誰家

韋嵩

御選宋詩

卷五

葛長庚 遇賢

韋嵩

道潛

五

書南山六和寺

青蔥玉樹接溪岑臺閣凌虛地布金行到白雲重疊處
水聲松韻澹人心

寒食日雨中

漠漠行雲晴復陰野花垂溼晚沉沉游人莫怨天多雨
況在東臯春已深

道潛

秋江

赤葉丹楓落酒旗白沙洲渚夕陽微數聲柔櫓蒼茫外
何處江村人夜歸

臨平道中

風蒲獵獵弄輕柔
欲立蜻蜓不自由
五月臨平山下路
藕花無數滿汀洲

江上秋夜

雨暗蒼江晚未晴
井梧翻葉動秋聲
樓頭夜半風吹斷
月在浮雲淺處明

春晚

疊穎叢條翠欲流
午陰濃處聽鳴鳩
兒童賭罷榆錢去
狼籍春風漫不收

卞伯道中

一道河流遠接天
兩行官柳復蕭然
村春歷歷鳴何處
彷彿孤煙落日邊

御選宋詩

卷七

道潛

五

彭門書事寄少游

戲馬臺邊駐馬蹄
回廊曲院總攀躋
秦郎前日曾來否
試拂凝塵覓舊題

子瞻席上令歌舞者求詩戲以此贈

底事東山窈窕娘
不將幽夢屬襄王
禪心已作沾泥絮
肯逐春風上下狂

與元規話別

湖水蒼茫四接天
短篷孤榜數回旋
想君東海東頭夢
猶在汀洲白鷺邊

春日雜興

城根野水淥透沱
颭颭風船掠岸過
日暮蕙蘭無處採

渚花汀草占春多

梅梢青子大於錢慙愧春光又一年亭午無人初破睡
杜鵑聲在柳花邊

春曉

曉風池沼水瀾翻春盡淮南麥秀寒院落無人日亭午
柳花如雪滿闌干

春陰

浮雲易作雨無端未放春泥十日乾須信杏園憔悴煞
從來花骨不禁寒

清順

十竹

御選宋詩

卷七

道潛

清順

仲殊

重喜

三

城中寸土如寸金幽軒種竹只十箇春風慎勿長兒孫
穿我階前綠苔破

仲殊

訪方子通

多年不見玉川翁今日相逢小榭東依舊清涼無長物
只餘松檜養秋風

北固樓

北固樓前一笛風斷雲飛出建章宮江南二月多芳草
春在濛濛細雨中

重喜

絕句

地爐無火客囊空雪似楊花落歲窮拾得斷麻縫破衲
不知身在寂寥中

可遵

佛印禪師自京師還過金陵作詩贈之

上國歸來路幾千渾身猶帶御爐煙鳳凰山下敲篷詠
驚起山翁白晝眠

維琳

有司欲取寺松供朝用感賦

大夫去作棟梁材無復清陰覆綠苔今夜月明風露冷
悞他千里鶴飛來

曇秀

御選宋詩

卷七十四

重喜可遵維琳曇秀重顯
靚

三

山光寺

扁舟乘興到山光古寺臨流勝氣藏慙愧南風知我意
吹將草木作天香

重顯

題獅子峰

踞地撐空勢未休爪牙安肯混常流天教生在千峰上
不得雲擎也出頭

靚

渡溪

春天一夜雨霽霽添得溪流意氣多剛把山僧推倒却
不知到海後如何

智覺

雪竇中巖夜吟

孤猿叫落中巖月野客吟殘半夜燈此境此時誰得意
白雲深處坐禪僧

法具

絕句

鶴鳴九臯秋夜永紙帳芙蓉卧燈影九州之外更九州
誰解摩心發深省

惠洪

次韻魯直寄靈源

一觥春色紅鱗動數筆海山青玉開耳熱浩歌無說處

御選宋詩

卷十四

智覺

法具

惠洪

三

却將佳句寫歸來

已作閉門稀識面千金爭購暮年書空餘修水連天碧
白鳥時來烟自如

道逢南嶽太上人游京師戲贈其行

野外相逢一笑新十年峰頂卧雲人却將南楚登山脚
去踏東華沒馬塵

次韻無諍見懷

韻傾瘦字試烏絲苦語偏多別後思青巘君能容易去
白鷗愧我負幽期

數篙雲碧捲晴空無數巖花落醉紅滿袖東風疎雨後
却欣春露一甌同

春詞

映門楊柳未全遮，纔有柔條自在斜。
不信春寒猶有雪，誤驚飄舞作飛花。

遊西湖北山二首

幽草青青繞竹扉，兩餘人在杏園西。
無端黃鳥驚春夢，正向綠蘿深處啼。

春園南北筍過牆，牆下離離草更香。
啼鳥野花無問處，空山牢落下殘陽。

上巳

桃花落盡柳陰成，寒食風光小雨晴。
半掩寶書凭几坐，滿庭芳草爲誰生。

御選宋詩

卷七十四

惠洪

如璧

元

南軒

南軒日靜小簾開，百舌無端喚夢回。
莫爲楊花不相識，隨風還解過牆來。

湓江宿舟中

琵琶亭下孤舟宿，夜靜風清水四圍。
蝴蝶夢中江月白，蘆花鳴笛釣船歸。

如璧

書天源河上友人壁

春色撩人不柰渠，紅塵無處可飛鳧。
懸知桃李付流水，來看垂楊十萬株。

答淳上人

因君撩我強題詩却憶當年夢裏時不識江南好風景
採蘋人唱鷓鴣辭

乞石菖蒲

香綠茸茸一寸根清泉白石共寒溫道人好事能分我
留取爛斑舊蘚痕

晚起

月落庵前夢未回松間無限鳥聲催莫言春色無人賞
野菜花開蝶也來

祖可

畫梅

不向江南冰雪底便於毫末發春妍一枝無語澹相對

御選宋詩

卷十四

如璧

祖可

懷深

斯植

三

疑在竹橋煙樹邊

懷深

中秋賞月寄高峰瓚老

靈岫高峰咫尺間青松長伴白雲閒今宵共賞中秋月
莫道山家不往還

斯植

偶成

東風玉勒馬蹄輕多少遊人上鳳城燕子不來春寂寞
海棠花發近清明

山家

一溪流水遶煙霞路入青松第幾家蝴蝶傍人飛不去

隔牆開盡碧桃花

山居

晚策登臨日欲斜
小溪流水是生涯
道人睡起鶴飛去
閒盡青松一樹花

長安曉發

雨過樓臺已禁煙
野風吹絮滿長安
夜來寂寞汀沙下
楚水吳雲一樣看

送故人之江東

鳳城花氣浥旌旗
又見春風上馬時
不是灞橋難話別
垂楊空折去年枝

柳

御選宋詩

卷十四

斯植

永頤

三

汴水隋隄總寂寥
春風吹恨未曾消
長條本自無拘束
也向人前學舞腰

湖上晚望

繞隄楊柳暗漁舟
二月風光澹似秋
幾度笙歌人散後
夕陽依舊滿紅樓

與趙五話別

送君無計路漫漫
玉笛聲悲遠戍間
自是行人多有恨
離情吹不到陽關

永頤

唐棲寺前

唐棲寺前溪水流
客帆來往舊杭州
津亭樹老無人記

得見幾回僧白頭

牽牛花

老梅枝上挂牽牛引得青花上樹頭
秋圃日斜風露冷倒垂長蔓拂鳴鳩

歸練潭

孤舟東下涉蘋溪兩岸幽花送客西
到得山房綠陰滿午窗猶有子規啼

龍山野望

聞說西潘桑柘少舊來多種紫櫻桃
龍山春晚遙舒望雪白梨花一丈高

秋蟬

御選宋詩

卷二

永頤

顯忠

惟一

三

日落秋蟬噪柳津為傷風露咽聲頻
送晴送雨江亭外偏感舟行晚泊人

水仙花

洛浦香銷珮解時荆臺歸去峽雲遲
綠羅湘帶無心疊玉墜頭花一半垂

顯忠

閒居

竹裏編茅倚石根竹莖踈處見前村
閒眠盡日無人到自有清風為掃門

惟一

雁蕩山

四海名山曾過目就中此景難圖錄山前向見白頭翁
自道一生看不足

清豁

歸山吟寄友

聚如浮沫散如雲聚不相將散不分入郭當時君是我
歸山今日我非君

止翁

無絃琴

月作金徽風作絃清音不在指端傳有時彈罷無生曲
露滴松梢鶴未眠

志南

御選宋詩

卷五

惟一清豁止翁志南法成有規

三五

舟次

古木陰中繫短篷杖藜扶我過橋東沾衣欲濕杏花雨
吹面不寒楊柳風

法成

山居

雪覆喬林同一色清光上下含虛碧採樵人立渡頭寒
極目圓蟾爲誰白

有規

午睡

讀書已覺着稜重就枕方欣骨節和睡起不知天早晚
西窗殘日已無多

必萬

孟亭日觀聖駕

輕塵不動馬蹄催警蹕聲中聖輦來漢代威儀周禮樂
太平天子拜香回

懷志

山居

萬機休罷付癡憨踪跡時容野鹿參不脫麻衣拳作枕
幾生夢在綠蘿庵

朋

詠魚籃觀音

徒整春風兩鬢垂子規啼徧落花枝龍門上客家家是

御選宋詩

卷十四

鶯懷志朋

道濟臨顏

三四

錦鯉提來賣與誰

道濟

偶題

幾度西湖獨上船篙師識我不論錢一聲啼鳥破幽寂
正是山橫落照邊

晞顏

憶佛軒詩

多年飄逝馬如絲憶佛難忘十二時咄咄自嗟爲蕩子
幾番花發路邊枝

蜀僧

賦湖中漁翁

籃裏無魚欠酒錢
酒家門外繫漁船
幾回欲脫蓑衣當
又恐明朝是雨天

御選宋詩卷第七十四

御選宋詩

卷七十四
蜀僧

三五

